



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno MCLXXXI. ad annum MCCCXIV.

Parisiis, 1644

Titvli Capitvlorvm.

urn:nbn:de:hbz:466:1-15974

ANNO
CHRISTI
1186.

CONCILIVM RAVENNATE I.
CAVSA REFORMANDÆ ECCLESIASTICÆ
disciplinæ celebratum anno Domini M C C L X X V I.
tempore Honorii papæ IV.

TITVLI CAPITVLORVM.

- I. *Ne clerici ioculatores vel histriones a laicis transmissos recipiant.* V. *De quotidianis distributionibus.*
- II. *De pauperibus alendis & vestendis.* VI. *De testamento usurariorum.*
- III. *De honestate & habitu clericorum.* VII. *De decimis.*
- IV. *De promotione habentium parochiales ecclesias.* VIII. *De criminibus & delictis specialiter episcopis reservandis.*
- IX. *De immunitate ecclesiarum.*

INFRA SCRIPTÆ SVNT CONSTITVTIONES,
statuta, & ordinamenta edita & facta per provinciale Concilium sanctæ Rauennatis ecclesiæ, videlicet per venerabilem patrem dominum Bonifacium, diuina gratia sanctæ Rauennatis ecclesiæ archiepiscopum, & suffraganeos eius sufficienter requisitos, & consentientes per se aut per idoneos procuratores.

CAPITVLA.

RVBRICA I.

NON sine temeritate consuetudines inducuntur quæ lege damnantur. Cum igitur laicorum importunitate, qui clericis plurimum sunt infesti, consuetudo, quæ potius est dicenda corruptela vel abusus, videatur induci, non sine animarum clericorum prouinciæ nostræ periculo; vt cum laici decorantur cingulo militari, seu nuptias contrahunt, ioculatores & histriones transmittunt ad clericos, vt eis prouideant, prout & idem laici faciunt inter se, ex quo contingit vt cum clerici de ecclesiarum communiter facultatibus sustententur, suo patrimonio proprio consanguineis refer-